





大明英宗睿皇帝實錄

天順二年春正月庚申朔

上詣

奉先殿

皇太后宮行礼畢出御奉天殿文武群臣及四夷朝  
使行慶賀礼群臣復詣

東宮行慶賀礼

皇太后

皇后免



命婦朝賀 夜四鼓南方有星如鷄彈青白色超  
自星宿行大餘發光大如椀東南行至翼宿後有  
二小星隨之

辛酉

文武群臣朝親王於奉天門東廊科十三道  
初兵部尚書陳汝言恃寵愴邪紊亂朝政受總兵  
等官楊能石彪李文沐璘胡志王貞杜忠曹安宗  
勝周賢表勝石端胡鏞趙瑄等賄賂不貲專擅選  
調其弟琰理殊無功次冒陞鎮撫與都指揮盧旺  
結為心腹大通賄賂僭居駙馬第宅猶不足意私

後軍匠千餘人造舍違式及諸不法事請正邦刑  
文武群臣奉

詔鞫實議汝言及旺當斬琰理罷職能等當宥治  
上命法司固禁汝言及琰理宥旺死充軍能等令陳  
狀既而能等輸情服罪

命姑宥之仍降勅戒毋再犯

命兵部左侍郎王復掌本部事

鎮守涼州右監丞

福保奏鎮守莊浪奉御進保都指揮使魏榮及提  
調烟墩指揮李瑄莊泰等失誤烽火以致達賊入  
境搶掠宜勅巡按御史執問從之



壬戌

宗宗章皇帝忌辰遣官祭

景陵朝鮮國王李璵遣陪臣韓名俞等來朝貢馬

及方物賜宴及綵幣表裏龍衣等物

乙丑

孟春享

太廟遣中官祭司戶之神

丁卯

夜曉刻金皇犯建星

戊辰

琉球國中山王尚泰久遣通事程鴻來朝貢方物

賜宴免山東被災處所柴炭災輕者一季災重

者一季從巡按監察御史江勛奏請也巡撫直

隸左僉都御史王儉奏徐州民缺食者四萬有奇

臣已發廩并勸令富室出米麥二萬六百餘石陸

績賑濟六科十三道初定襄伯郭登首鎮守大同

意在避難詐疾還後掌南京中軍都督府致書餽

物締結尚書陳汝言因獲還京欲以白金千兩酬

之適汝言下獄不果宜正其罪以為趨附權奸之

武三法司奉



詔鞠罪當斬

上曰郭登論法難恕第念勲戚姑宥其死追白金千兩降都督僉事於甘肅總兵官處聽調殺賊如再犯及臨陣畏縮必殺不宥。總兵官忠國公石亨奏五軍等營操練官軍多係在京衛分中間有事故老疾讓替者退回原衛撥補今久不見送至宜令各營遣官徑去各衛促其送營補伍操備仍令掌印官每月一至臣等處比較從之。都察院左僉都御史左鼎卒鼎字周器江西永新縣人幼穎悟讀書輒能通大旨正統壬戌進士擢監察御史

出巡山西時北虜寇退還鼎即為戰守計虜知有備遂引去已而虜請和鼎上章言可戰不可和景泰中山東河南歲歉

命鼎巡視所至勞來振恤民賴以安比還疏陳裕財

用五事又言修殫改災十事皆切時宜七年擢廣東布政司左叅政未抵任天順初召還拜左僉都御史至是卒鼎居官清慎公勤卓有時譽惜其召還也藉權貴以進士論不滿焉。夜月掩畢宿左肱三星犯附耳星己巳書與慶王秩燧日得奏以府中軍校餘丁因榜例多於太監總兵處校充教



劾 殿同母異妻子赴闕哀訴等因具悉此者朝廷  
為邊備之計故於軍民之中召募壯勇初不干於  
王府今府中軍校妄自投充自宜行移該管官員  
分理何乃惶惶失措女子相繼煩瑣奏陳且欲闖  
家赴京以此小事攪擾朝廷甚乖藩輔之義今後  
務存大体毋稍前失所奏之事已令該部處置不  
許輕率來京特書戒諭遂命兵部移文各處今後  
王府軍校毋得令投充兵士諸役

賜瀋府內丘王幼墳廣宗王幼林唐山王幼壻永  
年王幼琳煤戶菜戶各二戶 陞福建按察司僉

事沈訥為本司副使仍巡視銀場

庚午

定遠伯石彪奏臣歲祿例於南京支給然臣在京  
家口衆多乞於京倉歲給三十石養贍從之

辛未

以大祀

天地

御奉天殿誓戒文武百官致齋三日 陞也孫倫  
衛指揮使卜不剌為都指揮僉事弗提衛指揮同  
知管瓦剌指揮使指揮僉事塞下兀為指揮同知



命故指揮僉事撒里不花子幹你散希塔子額者  
下俱議職 夜月犯井星宿東南第一星

壬申 立春順天府官進春

上御奉天殿受之文武百官行慶賀禮次詣 東宮

行慶賀禮

甲戌

大祀

天地于南郊

上還謁

皇太后畢出御奉天殿文武百官行慶成禮

上元節宴文武百官賜假十日 日暈夜月亦暈俱

團圓濃厚

乙亥

以大祀禮成

上御奉天殿大宴文武群臣及四夷朝使

丙子南京掌右軍都督府事武安侯鄭宏奏新江

口乃往來總要宜操習水戰以備不虞乞勅兵部

將原調去浦子口操備舍餘并選去漕運放回屯

種官軍共四千五百五十人仍回新江口操練就



於各衛空閑官軍選補運糧舍餘因撥補屯種如  
無丁者召人承佃通較子粒廢兩無違誤從之  
夜兩方有星大如雞彈色白尾跡有光起自軫宿  
西南行至將氣 丁丑迤北達子奄克孛羅等男  
婦九人來歸  
命馬頭目送南京錦衣衛撥房居住月給米二石  
總兵官忠周公石亨等奏外衛官軍騎馬匹遞  
年隨班帶回原衛多因路途跋涉瘦損倒死及有  
控作被盜走失者無憑查考且令免與在京無馬  
官軍領養騎操其有該陪補者令該管官回衛買

補來操從之 小夜月犯太微垣左執法星

己卯

上率文武群臣捧冊寶尊

皇太后為

聖烈慈壽皇太后是日早鴻臚寺官設表祭於文華

門外文武百官候

皇太后行謁告禮并受官中賀禮畢百官詣清寧宮  
前門外上表司禮監官捧表進文武百官行慶賀  
命故連塔兒河衛指揮同知哈塔子蒼龍哈友帖衛  
指揮余事察班孫阿古山你散子塞勒本與衛指



禪金事哥脫木兒子卓李鎖忽子瓦兒哈忽魯愛  
衛指揮金事哈子馬忽失列木子都魯哥孛速子  
賽賓失當哈子孛的欵真河衛指揮金事谷兒馬  
子都魯兀察刺瓦山衛指揮金事何力麻子得兀  
塞乞刺兀<sup>兀</sup>衛指揮金事者籠哥子劄方哈撒里衛  
指揮金事卯義子吾列提童寬山衛指揮同知罕  
長哈子都兒得克可木衛指揮金事當哥子額兒  
孛俱職陞考郎兀衛都指揮使哥哈為都督金  
事弗提衛都督金事察安奴為都督同知馬英山  
衛指揮使連木哈為都指揮金事朵林山衛指揮

同知額真哥為指揮使戶部奏去歲南北直隸  
并山東河南蝗蝻害稼恐今春遺種復生請行有  
司設法撲滅從之

庚辰以

聖烈慈壽皇太后受冊寶禮成

上御奉天殿文武百官行慶賀禮是日文官四品武

官三品以上命婦由西華門入至仁智殿前

上表行慶賀禮畢賜綵幣有差廣西總兵官武朱

瑛等奏率領桂林中右等衛官軍及土<sup>辛</sup>人等直

抵永福理定南鄉蘭麻等處賊勦與賊對敵攻破



賊寨前後斬獲首從賊陳公架等一千一百餘人  
奪回搶掠良民子女一百二十餘口  
上命兵部移文巡按御史查理功次以俟陞賞  
浙江按察司僉事和維奏欲將浙江等處布政司衙  
門年久馬夫慣能作樂富貴大戶悉皆革去別選  
中等三丁民戶每馬一匹定撥一十戶計人三十  
丁常州養馬不許管幹他事其布按二司鹽運司  
各府官馬夫就於隣近所屬驗其都圖里保多寡  
人民貧富均派編冊申送上司收照遇有消乏等  
項然後僉補從之  
錦衣衛指揮僉事速果奏勲

衛郭景乃坐罪削爵都督僉事郭登第不宜帶刀  
侍衛合令錦衣衛鎮撫司帶俸從之

以上者不分男婦有司給與絹一疋綿一斤米一  
石肉四斤九十以上者倍之男子百歲者加與  
冠帶以榮終身

一軍民之間年七十以上者許一丁侍養免其雜  
泛差役無子者有司時加存恤母令失所

一軍<sup>官</sup>老疾不能任事告替職者准令兒男赴部替  
職免其自來

一內外官員有父母年老在家願分俸助養准令



分俸於原籍闕支

一兩京文官七品以上未及三年任內無過其父

母年五十未受受<sup>封</sup>者先與誥勅如其子職封之

不為常例敢有冒年者治以重罪

一四品以上官年七十以禮致仕家貧不能自存

者有司歲給俸米五石以資養贍

一官吏監生有親老願回侍養者准令回家侍養

親終送部聽用

一軍匠厨役人等年六十五以上筋力衰憊者許

令壯丁代替聽其優閒

一孝子順孫義夫節婦有司開具實跡奏聞以憑

旌表

一詔書因優老恩典有司務當從實遵行不許虛

應故事違者必罪不宥

一四州揚州宣慰司宣慰使楊輝遠長官夏琛等

一長安女等建州左等衛野人女直都督李滿任等

一恭寧等衛都督僉事革干帖木兒等遣指揮若出

一兀兒等孛顏等衛千戶俺克帖木兒等來朝貢馬

賜宴并綵幣裘裘氍毹衣等物有差

命故建州衛指揮同知散花子完者帖木兒指揮僉



命事只兒哈子必魯塔亭衛指揮僉事納刺吉子脫  
火赤來奴子烏昇哈亦兒古里衛指揮僉事完者  
秃子失丹哈伯顏古子者得兀阿稱哥子答吉卜  
俱祿職陞兀者衛指揮同知都魯秃為指揮使  
命改遷東安樂州帶俸達官指揮同知阿克里子忽  
失納指揮僉事渌夏姪失下葛弗撒奴子出羊加  
毛憐衛指揮同知阿里孫咬殊奴塞任哥子苦奴  
木哈管知八子孔失阿卜子歹因察莽哈子乃塔  
奴子木即哈兀魯哈子答力哈火兒塔子塔里哈  
答羊哈子買秃孫昌塔子帖革喜樂溫河衛指揮

同知余龍哥子連魯哈指揮僉事和羅孫不額格  
建州衛指揮同知塔失子失兒古答指揮僉事水  
答忽子灘答俱祿職陞喜樂溫河衛指揮同知者  
里奔哥為指揮使指揮僉事知魯哈為指揮同知  
建州衛指揮同知都列阿失塔木俱為指揮使指  
揮僉事阿塔答張十捏克帖不見俱為指揮同知  
壬午辰時西方有星大如椀色赤尾跡有光起自  
雲中往西南行至游氣中沒  
癸未烏思藏哥慶刺麻番僧藏完等西寧弘覺寺  
寺國師剏思巴鎮南寺四川鹽井衛土官副千戶



刺直白遣舍人白兒非寺來朝貢銅佛<sup>物</sup>方面賜宴  
并綵幣表裏寺物有差以山西大同城中草場  
地為鎮國將軍任毅第宅從靈丘王遜炗奏請也  
朝鮮國王李燦奏嫡長子暉蒙立為世子今暉  
病故請立次子晄以慰國人之望禮部以聞  
上從其請賜勅諭之

宣府總兵官武強伯楊能奏為金所屬官軍俸糧  
折缺者例於京庫關支路途遙遠乞於本處官庫  
折與綿布每足准鈔一百七十貫從之巡按山  
東監察御史江勛奏濟南守府連年水旱蝗疫相

仍乞將清出軍丁暫且停止候秋成起解從之

甲申賜寧府臨川王第二子名曰真璽瑞昌王長

子名曰觀錫第二子名曰觀鏐

命故山西署都指揮僉事鄭玉子英龍為指揮同知  
陞四川成都府茂州同知汪浩為本州知州以  
長官賜護印舍人昔只寺奏保浩能均平徭役熟  
知夷情也

乙酉巡撫直隸左僉都御史王儉奏直隸徐州及  
蕭沛等縣被災人民之食欲令前去南京大僕寺  
領馬肉還餵養則艱苦愈甚逃亡又多乞將今年



該項馬匹俵與附近成熟州縣暫養從之  
丙戌給永昭定王孫奉國中尉鍾錄鍾錄歲祿各  
二百石米鈔兼支公調礼部右侍郎章綸於南京  
礼部由迤北阮阮不花王部屬完者召等八人來  
歸言  
上命兵部送南京錦衣衛撥房居住月給米二石  
戶部奏陝西山西歲歉民饑河南懷慶府并陝州  
積有糧儲請減價糶濟飢民以所得數鈔運赴京  
庫備用從之

命致仕都察院左副都御史丰富為南京兵部右侍  
郎富初為石虎所訐奏命歸致仕及是廷臣有言  
其公廉且年未老故復起用之

命故采見必河衛指揮僉事朵列禿子台不花建州  
衛指揮同知撒里子得魯伯連孫果幹指揮僉事  
帖失子愛伯毛憐衛指揮同知石帖子果兒果哈  
魯子管禿指揮僉事卜良吉子管孫奴兀者前衛  
指揮同知加木哈子都里吉河魯忽子兀丁格屯  
河衛指揮同知忽失木子哈兒連指揮僉事忽失  
塔木子幹昇兀者右衛指揮僉事尹列帖木兒子



亦猛格俱謀賊陞忽石門衛指揮使你寵哈為都  
指揮僉事建州衛指揮同知也隆哥為都指揮使  
指揮僉事李克為指揮同知也巡按陝西監察御  
史郭紀等奏華州洛南等縣地方軍民相聚在山  
私掘銀鑛淘取銀沙蓋由州縣官吏平日不能禁  
革之所致也俱宜究治  
工勅鎮守太監王敏及三司官嚴禁如仍怠忽一  
治罪其州縣官吏命紀鞠之

巡撫南直隸右僉都御史李秉奏蘇州府歲歉已  
命發廩給賑濟然倉廩之積有限而民之飢疫未已

致將許墅鎮該收缸料每鈔二十五貫折米一斗  
收貯以備賑濟從之四川重慶府江津長壽三  
縣去歲自六月至八月不雨禾稼枯槁租稅無  
徵命戶部覆視以聞

戊子  
陞湖廣道監察御史包瑛福建道監察御史曹景  
俱為福建按察司僉事刑部江西司主事趙京為  
山東按察司僉事

乙丑命  
皇太子候時和講學先是刑科給事中王理奏自古



皇帝承宗社之重莫不深念天子為天下之本而  
慎擇方正文學之士置之左右以輔成德器今東  
宮殿下聰明天縱睿知日新宜慎簡宮僚日侍講  
讀以成元良之德永宗社無虞之休實天下臣民  
之幸也

上是其言故有是命 復除太僕寺寺丞劉芸仍舊  
任支正五品俸陞中書舍人金湜為太僕寺寺丞  
戶部湖廣司署員外郎下崇為本司郎中行入司  
行人審良為刑部雲南司員外郎擢進士王聰為  
戶部福建司主事芸湜良俱以九年考滿也

太常寺卿兼翰林院侍書致仕程雲南卒南雲江  
西南成縣人以善書與修永樂大典授中書舍人  
陞吏部稽勳司郎中兼翰林院侍書供職內閣歷  
官至太常卿正統初奉命書長陵等碑天順初致  
仕至是卒遣官諭祭命有司營墓南雲頗讀書精  
篆隸行書為

宣廟所喜章寵賚甚厚四方來其書者無虛日為人  
亦爽闊疏達好賢樂士尤稔交賢豪然頗不矜細  
行云



大明英宗睿皇帝實錄

大明英宗睿皇帝實錄  
天順二年二月庚寅朔賜錦衣衛帶俸都指揮使  
錢僧護保定府高陽縣田五十頃  
瀟世子幼墾  
奏父康王薨蒙

聖恩遣官安葬俱墳所狹隘無地可立廬舍乞於墳  
外復賜空地數畝奏下工部覆奏王府造墳地五  
十畝若復增隘恐各王府援例不便

上是之遂不與  
巡按廣西監察御史王常奏梧州  
一府藤縣累被大藤峽等山蠻賊不時出沒攻劫縣  
治殺擄人民燒燬房屋若不早為撲滅誠恐滋蔓



日久構成大患  
上命兵部移文廣西總兵鎮守等官武進<sup>伯</sup>朱瑛并  
都布按三司及巡按御史調度官軍士兵人等親  
抵賊巢相機剿捕  
辛卯  
巡撫南直隸右僉都御史李秉奏揚州鎮江常州  
北連大江無籍之徒或二三十人或四五十人駕  
舟強劫往來客商貨物偽稱下海官軍載私盜懸  
賞旗鳴鑼擊鼓畧無忌憚宜勅揚州等府衛地方  
巡按御史嚴督附近軍衛有司多方擒捕章下都

察院左都御史寇深等覆奏宜准所言  
上命大監吳昱右監丞王允中副都御史陳聰錦衣  
衛指揮陳剛往擒捕之  
後軍帶俸都督同知陳  
守忠奏有母舅苦都帖木兒係指揮同知叔父馬  
哈麻係副千戶見今來降乞留在京同居為便從  
之  
壬辰  
聖烈慈壽皇太后聖節  
上率后妃皇太子親王上壽文武官命婦行慶賀禮  
賜群臣宴  
陞毛憐衛都指揮使即下見罕為都



督僉事都指揮僉事若魯哈牙失哈額免俱為都  
指揮同知建州左衛指揮同知兀里為指揮使指  
揮僉事得魯干若玉奴忽為指揮同知建州右衛  
指揮同知卜赤為指揮使指揮僉事速魯速速若  
俱為指揮同知哥吉河衛指揮僉事亦成哥為指  
揮同知何真同真衛指揮同知管禿為指揮使  
命陞福建衛都督同知董山為右都督董山言其改  
父猛哥帖木兒原任右都督乞罷故也

命故建州衛都指揮僉事趙歹因哈子趙散已指揮  
同知火兒火孫子款赤古魯哥子哥迭帖木子兒

塔佛象奴子阿刺忽忽失哈子拙赤禿兒因子隨  
住額頂勒子引塔乞益乞子吉兒撒兀阿失帖木  
子益失哈莽刺子卜里哈指揮僉事沙魯哈子火  
脫禿劉不顏子那兀那禿只子納刺監卜子也兒  
克納顏卜花子哈刺刺益孫也僧格蘭帖木子幹  
兒三郎禿子牙禿伯思哈子猛古納福先卒察迷  
安朵子奄出安赤子卜塔買禿子不刀哈薛列格  
子愛益哈兀里奚山衛指揮僉事兀弁哈子烏木  
山失里木衛指揮僉事咬納子兀失毛憐衛指揮  
使玉朵羅子兀兒古都木指揮同知哈益子益魯



克上即哈子若卜乃亦藥子失兒克土兒火孫子納  
龍哈把連子塞魯指揮僉事管禿子劄兒哈伯勤  
子均赤格乃顏卜花子欵失哈脫亦哈子察全哈  
著和子綽乞忽必忽子歹納賞禿子麻哈額羅幹  
子兀魯哈連哈帖木兒子昆赤李馬忽子者失奴  
黑赤子刺力答歹都子帖苦亦失哈子兀禿哈連  
古子幹黑連都子馬禿哈麻忽子出羊哈早花子  
答魯真帖木子因答哈安召子打魯伯連孫安法  
哈亦塔哈子兀堅哈納子因答乞班答子散里只  
答連古子少魯伯連子魯禿哈答子額卜哈阿連

卜子長家奴失保赤子額克禿火里答子劄哈喜  
刺烏衛指揮僉事木丁哥子答出喜泉温河衛指  
揮同知禿車格子幹多木哈尚子受能成哈孫幹  
魯哈指揮僉事答里丙哥子塊你孟黑禿子尚都  
友帖衛指揮同知阿哈力孫赤老温兀答兒子申  
已指揮僉事若答納子屯台福昌哈子阿令哈阿  
倫衛指揮僉事忽禿子納失俱隴職

癸巳

改都察院左都御史馬昂為兵部尚書先是  
上問內閣臣李賢誰可任兵部者賢以都御史馬昂



上寇深對已而復命吏部等衙門堂上官推舉亦擬  
二人名進遂以昂為之復宣寧王遜妣妃楊氏  
家徭役從王奏請也工部奏修造寧府宗廟承  
運殿及諸屋宇共三百八十四間

上曰江西軍民艱難其令有司陸續用工無促迫害  
事太常寺掌寺事禮部尚書蔣守約卒守約字德  
簡直隸宜興縣人少失怙恃鞠於祖母王有黃冠  
師見而異之授以所業既而選為神樂觀樂舞生  
水樂庶寅授太常贊禮郎秩滿陞協律郎甲辰陞  
寺丞宣德中以禮部尚書胡濙薦詣行在丙辰

上嗣位陞少卿掌寺事越三載陞本寺卿景泰壬申  
進陞禮部尚書仍掌太常寺

天順元年

上復位以例致仕歸是年秋復召至京命蒞事如初  
至是卒遣官諭祭命工部為營塋事日圭左珥  
色赤黃鮮明

甲午復除南京吏科給事中童軒仍舊任以病痊  
也南京守備魏國公徐承宗等奏據大勝關副使  
蕭瀨言河口原築八字隄分水連年被水衝壞河  
道淤淺乞加疏濬照龍江關修立馬頭建五官廳



以便舡隻灣泊從之。後軍都督同知馬政卒輟  
視朝一日遣官賜祭命有司營塋

乙未

安南國王黎濟遣陪臣黎希葛等琉球國中山王  
尚泰次遣使臣吳足堪美等朝鮮國王李瑄遣陪  
臣李澄珪等并毛憐等衛野人女直指揮得隆哥  
等四川藍井衛指揮把事河那地等西寧衛私覺  
等國師刺麻劄思巴鎖南等烏思藏鐵占令等寺  
刺麻番僧瓦秀亞等各來朝貢馬及方物賜宴并  
賜綵幣表裏有差。召致仕山西按察司副使韓

雍至京陞為大理寺右少卿陞河南都司都指

揮同知林威為都指揮使巡按廣東監察御史

呂益奏副總兵都督同知翁信總督俺倭都指揮

張通等不嚴督各衛所守哨致賊攻劫寧川守禦

千戶所殺虜人財其哨守地方都指揮僉事林清

不行策應俱宜究治之

上曰翁信等姑識其罪都察院錄狀以示俾怠擒賊

林清令益執鞫之。鎮守居庸關左少監崔保占

住已故都指揮李景第宅因景姪晟弗從毆之致

死事覺法司請逮至京鞫問



特宥其罪降勅切責之

丙申

工部請造岷王府祭器樂器二千五百七十餘事  
雜料數萬

上以百姓難銀令姑已之俟年豐造辦 賜弋陽王

奠壘厨役四人從其請也

丁酉

釋奠先師孔子遣吏部尚書兼翰林院學士李賢

行禮

戎成祀

太社 太稷 遣順天府官祭司農之神 增給故都督同

知李讓妻路氏月米三石先是讓故路氏陳情

上命月給米二石至是恭順侯吳瑾又為之請故復

增一石 請都督僉事林宏於甘肅五功都指揮

湛清陳善都指揮同知楊俱顧緣陳信朱傑都指

揮僉事李武王信指揮同知凌錦於涼州等衛帶

俸差操以其嘗賂陳汝言求遷調管事也 召商

於大同右衛中納藍草淮藍每引納穀草七束秋

青草十束浙藍遼減二束俱不次支給



已亥十未休  
陞山西太原前衛指揮使周能為都指揮僉事註  
本都司帶俸差操陞建州衛指揮使十羊不哈  
安禿俱為都指揮僉事指揮同知額兒韓蕭古魯  
亦額哈俱為指揮使指揮僉事文殊奴失思思可  
趙阿蘭答答忽勒路互格塔因哈俱為指揮同知  
毛隣衛指揮使三保奴為都指揮僉事指揮同知  
者住哥為指揮使指揮僉事李苦奴為指揮同知  
命故陝西都指揮僉事劉保子傑龍為指揮使  
命故建州衛指揮使撒里子脫兒裁反因哈子得黑

孫指揮同知賈你子答速黃孫奴子卜兒哈本簽  
兀子得兀指揮僉事趙安禿子哈你合散禿子馬  
你哈觀音保子撒哈王果出忽兒子答魯哈王阿  
魯子孛魯脫木迭失子火列帖木納連子捏亦赤  
木長哈子撒都王阿魯子火尼卜郎哈子木答禿  
劄卜哈子哈林古魯子能格塞黑勒子鎖禿歹炒  
子不塔朱木哈子得列孫失兒卜孫尚連保把丹  
子六十保官觀奴子哈兒雙城衛指揮同知禿有  
哥子遼良毛隣衛都指揮僉事也克子弗奴忽指  
揮使也克子重塔任魯哈指揮同知得州子額黑



木木答塔子因答乞肖秃子鎖失刺哈子阿奴指  
揮僉事黃脫因子尚秃姜叔子刺塔得里必子哈  
塔哈阿因帖木兒子孛只根帖木子細當哈納出  
子索果奴住張哈子得格幹乞子奴木哈帖黑車  
子阿失塔速平江衛指揮僉事奴千子薛列自在  
州帶俸韃官指揮僉事互保奴子亦頂哈咬哈子  
七十三李敬李子奴果奴野兒定河衛指揮僉事  
脫可子答必細阿古河衛指揮僉事牙當吉子塞  
魯格福刺忽子得魯俱龍職鎮守延綏等處石  
監丞王春奏青陽溝等處韃賊擁衆入境搶掠當

同都督楊信率領官軍截殺斬獲衣紅賊首一人  
上擒賊徒獲其駝馬廬甲器械等物及奪回牛羊  
騾驢等畜

上命兵部移文巡按御史查有功官員陞賞之

鎮守甘肅太監蒙泰奏懷安驛地方韃賊突入搶  
掠其把總守備指揮僉事雷玘等追見賊人不行  
督軍征剿以致失機誤事宜治其罪

上命巡按御史執問之

庚子

勅鄭世子祁缺曰今得爾奏左右長史喬木陳康互



相<sup>許</sup>啓受賍等情已行監候就將各官啓本封束  
具悉但長史係輔導之官黜陟與奪出自朝廷非  
王府所得專也喬木等果有賍罪朝廷自有處置  
如何擅自拿送係衛司拘監揆之禮法不無<sup>年</sup>乘失  
但念親親之義姑置不究其長史喬木陳康已令  
巡按御史提問發落今復<sup>後</sup>爾宜恪守禮法毋再輕  
率以全全名

勅

皇陵神宮監太監雷春等朕念宗室之義欲送庶人  
徽煤徽惜并家下人口回岷府緣舊有仇嫌恐難

同處仍令彼處居住但人口數多日逐費用米薪  
器服之類果有欠缺宜令有司措辦供給如或不  
缺亦須比舊加厚務令得所男女長成聽其婚配  
許令親戚往來其所增食用數目開具奏聞

命帶俸蔚州左衛都指揮同知段昇往涼州協副右  
副總兵劉傑領軍操守<sup>燕</sup>莫山右衛都指揮僉事巫  
啟忠義前衛都指揮同知田稀神武後衛都指揮  
同知王能金吾左衛都指揮僉事劉忠往甘州等  
處差操陞兀者衛指揮同知抄刺哈忽石門衛指  
揮同知鎖奴兒俱為指揮使兀者<sup>衛</sup>指揮僉事鎖兒



克忽失塔建州左衛指揮同知忽失入為指揮使  
指揮僉事官奴官音保俱為指揮同知毛憐衛指  
揮使納刺克為都指揮僉事指揮僉事納顏為指  
揮同知重撒牙為指揮使

命故撒兒忽衛指揮同知必籠哈子亦逞哈阿者迷  
河衛指揮僉事朵兒只子買禿阿倫衛指揮僉事  
孛羅帖木子劄力乞建州左衛指揮使和尼赤子  
撒連格指揮同知鳳吉子奴克納指揮僉事卜兒  
子桐禿簪卜子乞力綽必子阿答哈重兀哈撒子  
劄牙沙安梁子速力撒蘭子昆卜花速牛江衛指

揮使劄禿子速古綽必子忒黑帖指揮僉事瓜吳  
哥子尚張哈愛河衛指揮僉事創過子阿克毛憐  
衛指揮使鬼里子亦出哈指揮同知答魯哈子板  
塔沙俱齊襲職

辛丑

賜永和昭定王遜奉國中尉鍾錄鍾鈇詰命冠服  
賜懷寧伯孫鏜宣城伯衛穎昭武伯曹欽冠服  
請遠伯兼兵部尚書王驥言臣原籍房屋頽敝窄  
狹及見造妻墳乞勅有司督工集料為增廣起造  
臣不勝幸甚從之



都察院鞠陝西涼州副總兵蕭敬遇韃賊入莊浪  
境內不行策應及臨陣退縮致賊劫掠而去罪  
上曰蕭敬失誤軍機法當處死但念其守邊年久降  
為事官於總兵官處聽調殺賊立功贖罪 夜五  
鼓月犯軒轅右角星 壬寅

福建右叅政陳斌冠帶閑住以巡撫官考其善政  
無聞也 蠲順天府通州寶坻縣并直隸淮安鳳  
陽徐州等府州衛去年被災田秋糧子粒一萬八  
千石有奇草三千三萬九千餘束

癸卯

陞大理寺右少卿韓雍為都察院右叅都御史刑  
科都給事中喬毅為大理寺右寺丞 總兵官忠  
國公石亨奏臣先嚴伯父寬河衛指揮僉事岩職  
又受伯母周氏教育乞量加贈典

上命贈岩為後軍都督僉事周氏為夫人 遼東左  
叅將都督僉事曹廣奏欲自開原起至鐵嶺直抵  
遼東地方往來提督操守從之 巡按湖廣監察  
御史馬文升奏哨守東安縣地方指揮僉事歐綱  
永州衛哨捕指揮趙斌不行嚴督官軍守備以致



苗賊聚衆流劫劉材等處燒燬房屋殺掠人財  
治以重罪

上令文升執問如律皆後軍帶俸左都督馬克順奏  
有親家那來叅政下家人阿力猛該馬米三人因  
迤北艱難來降乞存留在京同住從之

甲辰 昏刻月食於翼宿遂犯右執法星

乙巳

封都督同知楊信為彰武伯命克總兵官佩征虜  
副將軍印鎮守延綏等處地方命都督同知張欽

克右叅將仍守西路 陞失列木衛指揮使平哈

為都指揮僉事安河衛指揮同知歡察建州左衛

指揮同知阿都亦灘納哈俱為指揮僉事小兒連

古失塔火羅朵兒必河衛指揮僉事額星哈亦馬

刺衛指揮僉事溫察俱為指揮同知和卜羅衛指

揮同知你籠哈為指揮使建州右衛指揮使都兒

咸為都指揮僉事指揮同知恐得失為指揮使察

刺禿山衛指揮僉事禿能哥為指揮同知

命故毛憐衛指揮同知宋哈奴子長家奴卜兒哈子

阿都塞籠格子撒失阿魯子互山吉里達子塔納



朵樂子坤不花兀罕子塔魯哈指揮僉事亦合哈  
子申山塔失子塔刺哈撒里子阿古山幹都子阿  
赤哈兀察子哈的哈哈答子撒魯賞禿子土鎖刺  
羅幹子木乞納莽哈子的卜古奴阿卜子勺赤哈  
兀思哈里衛指揮同知忽答木子莽禿乞兀你子  
忽禿赤剌嶺衛指揮僉事阿牙子歹羊哈和卜羅  
衛指揮僉完者不花子弗丹哈撒力衛指揮僉事  
高替子田住連平江衛指揮使綽必子滕格迭建  
州右衛指揮使撒里子忽失納喜樂溫河衛指揮  
同知猛里禿子阿木納指揮僉事主郎哈子連刺

納弗隆哈子弗魯額者里奔哥子高末失阿羅子  
賽都建州左衛指揮使和尼赤子歹尚吉復州衛  
指揮同知苦女子阿當吉俱襲職

丙午

賜遼山王幼望懷仁王遜煇煤戶菜戶各二戶永  
壽王志埴官監十引錦衣衛帶俸都指揮使撒  
兒討奏瓦剌來降韃子主刺歹把禿刺奄克脫脫  
朵兒則朵羅台五人孫親戚脫脫係親弟乞留在  
京同住從之迤比韃子擺列平章等男婦十一  
人來降



上命為頭目送河間衛安插月給米二石

遺順天府宦祭宋丞相文天祥修南海子行殿  
及大紅橋一小橋七十五賜彰武伯楊信勲階  
奉天朝衛宣力武臣特進榮祿大夫柱國食祿一  
千石給誥券旌表烈婦節婦陳氏等四人陳氏  
開平衛千戶池信男寬妻因韃賊攻破城恐受汚  
將夫妹五姐并男蠻兒等縊死隨亦自縊吳氏四  
川松潘衛千戶謝郁妻夫亡潛自縊於私室俱旌  
其門曰貞烈楊氏直隸無錫縣民鄒文遠妻王氏

浙江淳安縣民徐福壽妻夫亡守節始終無玷俱  
旌其門曰貞節

先是以徐州歲饑召商於永福壽倉中納鹽糧以  
備賑濟然所定則例太高商旅不至至是從左僉  
都御史王儉言損其價准鹽每引米八斗浙鹽五  
斗五升山東鹽三斗五升河東福建鹽三斗廣東  
鹽二斗五升俱不次支給免通州左等衛去歲  
災傷屯田子粒三萬八百餘石草二萬七千餘束  
夜一鼓西方有星如盞色青白光明燭地起自  
參旌丙北行至近濁



戊申

賞岷州衛指揮同知羅源銀三兩絲幣一表裏百  
戶趙安銀二兩絹二匹以火草灘等處斬獲韃賊  
功也

勅內官黃沁近者王春楊信殺敗賊衆開具俘獲數  
目來奏爾即與春等將生擒韃賊五名并獲到軍  
器遣人解京馬匹選壯好者送來其餘給與彼處  
官軍騎操駱駝就留在彼喂養首級沿邊一帶梟  
示爾其如勅奏行 沅陵王貴燭奏本府東西北  
三面與軍民焦希孟等十九家房屋相連恐風火

不便乞將各家徙置南紀門外臨城空地以折米  
俸鈔一萬二千八百餘貫償其遷徙之費從之

司禮監太監福安奏永樂宣德間雲南福建浙江  
產有銀鑲之所慮令採辦煎銷上納京庫此誠國  
家大利近年或採或止國用不足請如舊制各遣  
內外官員開場煎辦又永樂宣德間屢下西洋收  
買黃金珍珠寶石諸物今停止三十餘年府藏虛  
竭請遣內官於雲南等處出官庫銀貨收買上納  
從之 夜一鼓南方有星大如盞色青白有光起  
自弧矢西南行至近濁五鼓東方有星大如盞色



亦有光起自室宿東行至近濁  
已酉 賞太監王春彰武伯楊信銀百兩綵幣八表裏都  
督同知張欽銀五十兩綵幣四表裏以斬獲韃賊  
功也 官給永壽王府莊浪縣主并像賓師閔歲祿  
四百石俱米鈔兼支 韃官都督同知也先帖木  
兒奏有從弟猛可帖木兒杜里木兒二人在孛來  
部下因念臣親故脫走來降乞存留與臣聚從之  
命為頭目給賜衣服器皿食米

唐成

封永壽王第七子公鑊為鎮國將軍賜誥命冠服  
賜沁源王幼琦鈔二千九百貫以其祖母新喪  
從王奏請也 遣戶部官運江南折糧銀赴各邊  
易米上倉遼東大同宣府陝西各十萬兩永平一  
萬兩 禁官民人等衣服不得用蟒龍飛魚斗牛  
大鵬獅子四寶相花大西番蓮大雲花樣及薑黃  
柳黃明黃玄色綠等衣服 總兵官忠國公石亨  
奏昨迎

駕者蒙恩陞賞文冊具定今百戶童銘以人訴其冒  
功下獄臣當時行事最為慎密雖家人尚不能知



外人豈知其的若罪銘恐嫉忌者乘機枉訴煩瀆  
朝廷乞釋銘自有告功次不明者請俱付臣審之  
果有姦弊臣當奏請罪之如此則可全忠義之士  
而不中奸詐之計

上命錦衣衛釋銘

辛亥

封遼府輔國將軍豪擻弟豪坨為奉國中尉賜誥  
命冠服復除監察御史周清於南京四川道兵  
科給事中張海於本科俱以丁憂服闋也調福  
建左布政使宋彰於廣東布政司彰先以失機降

為驛丞及是遇赦有司諸原還職有言降黜官不  
宜復用者

上曰用功不若用過能改過自新即善類矣奚不可

之有故特調用之

哈毛憐衛指揮使亦里哈兀罕住俱為都指揮僉

事指揮同知阿古為指揮使指揮僉事喃失速古

克默而河衛指揮僉事只兒忽阿古河衛指揮僉

事牙失谷童寬山衛指揮僉事者魯草建州衛指

揮僉事弗羊古沙魯哈俱為指揮同知可合河衛

指揮同知兀加哈為指揮使



命故建州衛指揮同知卜赤子木答赤佟鎖魯阿子  
糾住毛憐衛指揮同知鎖古奴子撒刺課可子阿  
兒禿伯里子額三十良古子斤阿古子額芒山  
撒只刺河衛指揮僉事張塔子亦里哈劄領哈子  
北得奴兀者衛都指揮僉事莽加子失字歡察子  
答古指揮使保禿子撒只哈依木河衛指揮僉事  
木當哈子太平古里河衛指揮僉事鬼迷子刺里  
朵兒必河衛指揮僉事阿里哥子捏哈塔塔山衛  
指揮僉事阿里克哈子互泰喜樂温河衛指揮同  
知麻失哈子你哈答肥河衛指揮僉事李羅台子

失伯革把河衛指揮僉事薛克里子撒只哈兀魯  
罕河衛都指揮僉事哈答孫子刺塔塔山衛指揮  
同知永的弟哈失哈俱襲職  
命故都督馬政子鑑襲指揮使錦衣衛帶俸仍為通  
事

命大同總兵官高揚伯李文遊擊將軍定遠伯石虎  
調領本處精兵往延綏等處會彰武伯楊信等禦  
賊以陝西守臣秦韃賊入境故也迤北韃子也先  
土干克失禿等來歸

上命為百戶留京居住 夜五鼓南方有星大如雞



殫色赤尾跡有光起自亢宿東南行至近濁

壬子

吏部尚書兼翰林院學士李賢等言近日

恩詔凡京官未及三年有父母七十以上者先與誥  
勅吏部行本院撰文其中有止封其父者有止封  
其母者緣本部只以見存者擬封且如各官父存  
而母不存今封其父給誥勅一軸若三年滿日該  
贈其母不免又給一軸吳近定則例一代正與一  
軸若闕二軸有違則例乞併不存者亦贈之父母  
仍共一軸不惟者其多費抑且於例不違從之

甲寅

鎮守寧夏太監王清奏寧夏三路缺馬乞勅楚肅  
二府借撥二三千匹給與官軍

上曰王府馬不必借撥許令商人納馬中益

乙卯

命湖廣都司都指揮同知汪澤都指揮僉事周琮同  
理都司事 巳時日生暈圍圓午時生交暈又白  
虹貫日上生背氣一道各色鮮明至酉時雲遮

丙辰

四川重慶府涪州奏比因歲歉民饑已發廩賑濟



俟秋歲償從之 夜一鼓東方有星大如雞彈色  
赤尾跡有光起自太微東垣內東北行至左攝提  
星一小星從之

丁巳

宗室諸王以上

聖烈慈壽皇太后尊號皆欲詣闕朝賀復書止之

給錦衣衛官旗一軍馬二百五十匹 陝西行都

司致仕署都指揮僉事彭智奏臣見迤西地方累  
被韃賊侵犯臣心忿恨欲往被奮勇殺賊以圖補  
報

上白智既願効力令去蘭谿守備

戊午

命故永清右衛帶俸都指揮僉事鄧興子銘襲為指  
揮同知 陞毛憐衛指揮同知伯里武為指揮使  
指揮僉事宋哈奴為指揮同知亦馬刺衛指揮僉  
事阿里



大明英宗睿皇帝實錄

天順二年閏二月己未朔

命故兀者衛左都督刺塔子蔡安察為都指揮同知

建州右衛都指揮僉事李玉鑾為都指揮同知兀

者衛指揮使記因帖木兒為都指揮僉事建州左

衛指揮同知莽刺為指揮使可令河衛指揮使冊

克為都指揮僉事考即兀衛指揮僉事兀的哥阿

真河衛指揮僉事阿刺孫塔山衛指揮僉事安出

俱為指揮同知 遼府輔國將軍豪整奉國中尉

豪拂豪璋豪縱等奏臣父貴燮永樂年間冊封為



遠安王永樂二十二年奔

太宗皇帝喪行至河南禮州時祖父簡王在荊州薨  
臣父未及聞知臣庶伯父貴烜平日所為多不法  
怪臣父屢規諫意欲陷害無圖釀爵誣奏臣父不  
奔父喪蒙朝廷削爵降為庶人且臣父正統十四  
年間回

聖駕北留虜庭具奏欲躬率男壻誓充微卒往迎

聖駕其忠君報國之心如此焉有知父喪而不奔喪  
者乎今

皇上復登大寶普布洪恩凡在宗內無不均沾獨臣

父幽沉棄莫能訴伏望

皇上憫其無辜俾復舊爵不勝感激

上曰遼庶人在前以罪廢黜朕守

祖宗大法豈敢有違所請不允迨北邊官指揮金  
事也先上合立等男婦二十三人來歸

上命於錦衣衛帶俸居住京衛指揮千百戶等官  
李春等十餘人各服大雲柳黃紵絲衣錦衣衛捕  
獲以聞命各追紵絲二十疋然後罪之

庚申

命故虎賁左衛指揮同知蘇安子興羽林前衛指揮



僉事王寧子茂燕山右衛指揮僉事張旺子文永  
清左衛指揮僉事右貴子溥金吾右衛指揮同知  
張成子文金吾左衛指揮同知杭歹都子伽藍保  
府軍前衛指揮僉事李陞子永俱襲職 夜五鼓  
北方有星大如鷄彈色青白起自北斗魁西北行  
至上台尾跡炸散

辛酉

陞浙江備倭指揮同知劉聚署都指揮僉事事仍  
協同備倭

命故陝西都司土官都指揮僉事長福子勝襲為指

揮使府軍前衛指揮僉事楊剛子洪永清左衛指  
揮使董成弟勝羽林前衛指揮使高文弟翥指揮  
同知李興弟得趙昂兄聚金吾左衛指揮使袁勝  
弟洪指揮僉事魏俊子名燕山前衛指揮同知王  
捏開姪諒通州衛指揮僉事胡晟子瑄俱襲職  
命保定侯梁瑤仍鎮守陝西 陝西右布政使孫毓  
奏甘肅等處邊軍自宣德正統以來月糧每石俱  
折色五斗近奉詔俱令全支本色緣各邊糧儲俱  
係順稟地方餽運路遠人疲乞照舊折支為便從  
之



河南磁州民奏廣西右叅政羅綺先任刑部侍郎  
鎮守松潘貪圖貲物不計其數比回京調副都御  
史因糾劾降叅政延任原籍磁州誑言不久復職  
本州同知龍約公幹自京還告綺云當今又寵官  
官用香木鏤已死太監王振形莖之綺聞之微笑  
又聞朝廷失政徇吉祥張軌石享倭言降出吾輩  
詔執綺約至京法司奉詔鞠依造妖言惑衆律斬  
上曰羅綺貪利壞法却怨謗朝廷與龍約造言惑人  
情罪深重法司其固禁之仍命陳所籍綺賍物於  
文華門前示百官 襄陵王冲妹母季氏卒贈韓

憲王夫人遣官賜祭命有司營葬  
壬戌皇子：生

上之第八子宸妃萬氏出也 擢進士于坦徐宗周  
鼎俱為行人司行人 增給後軍都督府帶俸連  
官都督同知陳守忠月俸本色米二十五石從其  
請也 未刻日生左右珥赤黃色鮮明未久雲遮  
癸亥

賜沁水王幼橐澤州稅課局鈔二千九百貫從其請  
也 有匠人錢善等六人於內府鑄印盜銀十兩  
分之事覺



上命俱斬之于市

甲子

勅諭都察院十三道監察御史曰朝廷設風憲之職以任耳目之寄繩愆糾繆理枉伸怨所係甚重必先正己而後可以正人且如羅綺由監察御史歷陞副都御史朝廷待之至矣豈料其人立心奸貪行止不端及以枉人獲罪黜為參政却乃在家延住然謗朝廷一旦敗露賍以萬計蓋由平日巡撫四方鎮守松潘欺公責法惟利是圖科歛郡縣剝削軍民以致如此由是觀之人固難知今為御史

者豈盡得人中間亦有操行不謹任意妄為及出

巡於外往往虛張聲勢陵虐軍職貪圖賄賂顛倒

事情所任如此朕將何賴今後各宜痛加警省勉

圖自新夙夜懋脩期稱任使敢有怙不知戒仍蹈

前非國法昭然必不輕恕且都御史為風憲之長

尤須明大體畧細故律已以率人務俾僚屬安分

守法恪恭乃職以副朝廷委託之重

琉球國王尚泰久遣使臣衛農是等湖廣施州衛

南宣撫司遣峒長張亞送等貴州宣慰司遣舍人

把事阿魯等四川馬湖府遣舍人把事向子昇等



各來朝貢馬及方物賜宴并綵幣表裏有差

乙丑

賜吏部尚書兼翰林院學士李賢左侍郎孫弘右侍郎張周翰戶部尚書沈國右侍郎劉本道薛遠禮部右侍郎湯序兵部左侍郎王復右侍郎郝璜刑部尚書劉廣衡右侍郎黃任傷工部尚書趙榮左侍郎霍瑄右侍郎翁世資吳復蒯祥都察院左都御史寇深右副都御史林聰通政司通政使張文質順天府尹王福太僕寺卿程信誥命并封贈其祖父母父母妻 修武伯沈煜奏臣父榮正統十

四年隨倭歿於戰陣乞往歿所祭奠以盡人子之禮從之

丙寅

賜昭武伯曹欽勲號散官奉天翊衛推誠宣力武臣特進光祿大夫柱國追封三代給誥券本身免二死子免一死

命故復州衛指揮同知黃福知縣孫撒魯平江衛指揮同知朵不同哈子隨禿哈指揮僉事綽必子失列真哥我子察哈刺列者格子克達格俱襲職貴州右叅將右軍都督僉事張任卒輟視朝一日



遣官賜祭命有司營壘夜四鼓南方有星大如  
鷄彗色赤尾跡有光起自翼宿東南行至近濁

丁卯

襄王轄塿奏昨蒙

聖恩撥襄陽安陸衛二千戶所賜臣為護衛所但中  
間有屯田子粒三千四十餘石仍在有司收受乞  
照例賜臣<sup>府</sup>中用度

上曰王至親二所屯糧即與王府申用之 甘肅總  
兵官宣城伯衛穎奏莊浪等處驛遞城堡多在低  
窪沙灘去處且相隔墩臺寫遠瞭望不便欲擇水

草便利地土堅硬地方重新築立可以歸并者歸  
并可以添設者添設又莊浪鎮番永昌及甘州涼  
州等處俱缺官協助操備乞勅兵部於在京推選  
驍勇能曾經戰陣都指揮數員前來分領軍馬

上曰驛遞墩臺不必行勘就令穎<sup>與</sup>太監蒙泰酌量  
緩急隨宜整理毋得處置乖方莊浪涼州要協助  
管事官亦令穎等詳議以聞 錦衣衛帶俸都指  
揮僉事孫續宗奏臣於正統十四年令家人中淮  
鹽六千七百餘引至今未得開支臣忝在戚里乞  
不為常例開支為便從之



楚府鎮國將軍李城夫人陳氏卒遣官賜祭命有司營葬

勅宗人府曰朕惟玉牒所以紀載宗支乃廷重事經今年久未及增修爾宗人府即會同禮部查照各王府自正統六年以後凡有薨逝襲封及男女新生亡故等項逐一明白開寫中間如有未備仍行各王府取勘回報以憑續修其欽承母忽勅延綏總兵官彰武伯楊信遊擊將軍定遠伯石彪等今得延綏東路都指揮李鑑奏有自虜中還者信字來哥下二千餘人尚在黃河套裏潛住又得

偏頭關都督杜忠報黃河逆西煙火聲息此賊勢孤馬弱不乘時勦滅恐貽後患已勅延綏寧夏偏頭關等處進兵爾即選調精兵會各處人馬併力夾<sup>攻</sup>務在擒殺盡絕以除邊患英國公張懋等奏臣父<sup>英</sup>大師英國公輔同太保成國公朱勇俱于正統十四年隨征歿于陣乞准令臣同勇男成國公儀前徃歿所奠祭從之

已巳  
修沙河竹殿 先是貴州按察司僉事李叔義奏按察使張海狗都御史蔣琳審囑設策謀死罪囚



十人巡按御史等官劉敬等鞠海造意殺人當斬  
至是都察院覆奏仍行敬等審實無寃處決從之  
午時日生暈上生背氣一道各色淡申時日無  
光色如赭

庚午

禮部奏永豐王祁斌言缺女子使用欲於本處饒  
州守禦千戶所軍旗之家收買數人然本所不係  
王府相干衙門難以准買且令自備財禮於淮府  
儀會司并群牧千戶所軍校之家情愿者買用從  
之

壬申

夜昏刻月犯太微垣左執法星

癸酉

清明節遣官祭

長陵

獻陵

景陵時

上不豫遣

皇太子昭告于

昊天上帝曰切以眇躬繼承大統夙夜憂勤茲偶以



遭疾起居未寧深惟復位以來或賞罰失當或動履乖宜凡百事為或未合理自咎于衷益用兢惕伏冀

上帝洪仁特垂庇祐免此災患早獲康寧不勝至願特伸虔禱伏惟鑒之

乙亥

書復秦世子公錫曰得奏兩父康王墳園之外未有種樹之地欲親赴京陳情其事已令所司整理道途遼遠可不必來給雲丘王美掘煤戶一戶從其請也

丙子

賜新野王長子名曰彌彌樂安王嫡長子曰觀鑲庶第二子曰觀銀庶第三子曰觀鉞

丁丑

樂安王奠壘奏臣子女幼小無人使令乞自備財禮於本處護衛軍校之家情願者選買使女十人從之秦世子公錫以原降儀仗被火燒燬乞工部重造頒給

上命與之不為例吏部尚書兼翰林院學士李賢等言洪惟



祖宗創業垂統立綱定制為萬世法則久而後備臣  
等伏讀諸司職掌係洪武年間所修彼時制度尚  
有未定以後漸加增損與前或異若不重新編纂  
刊正難於考擬遵行乞令各衙門查照洪武永樂  
以來更定在京衙門并官員職名等項逐一條細  
明白開報本院委官數員仍照舊式類編為書完  
條進呈官為刊印頒與各衙門遵守施行是亦  
皇上繼志述事之一端也  
上是其言即命各衙門查報 達賊七千餘騎犯高  
家堡延綏總兵官楊信率兵擊敗之擒賊五人斬

首七十二級獲駝馬器械無算遣人獻俘獻至京

師

戊寅

迤北達子鎖羅灘嘗為孛來遣來京進貢授指揮  
同知至是同定者禿夫哥等七人各携妻孥來歸  
命復鎖羅灘舊職授克者禿為百戶夫哥等為頭  
目俱送河間衛帶俸給與房屋器物牛羊田土  
已卯

勅鎮守懷來等處右叅將都督姚貴近有自一外還  
者言向者土木南山河南河北一路陣亡軍官骸



骨至今暴露朕聞之惻然于中爾即分遣人盡收  
於僻地深瘞之毋忽

命山西布政司於所屬今歲該徵秋糧內折收一十  
萬石每銀一兩折米四石 給周府汝南王子姚  
穎川王子墟義陽王子圪汝陰王子壘歲祿各二  
千石河陰王同鑣歲祿一千石俱<sup>米</sup>鈔中半無支  
陞南京戶部福建司員外郎齊整為本部河南司  
郎中南京刑部江西司員外郎王鉉為本部湖廣  
司郎中 秦世子公錫奏臣宮中及下人所用紗  
羅段疋三梭布夏布本處無人織造欲令人前去

蘇杭易買用府給用從之 夜晚刻有星大如梳  
色青白尾跡有光出正東西北行五丈餘而沒之  
辛巳

陞赤斤蒙古衛指揮同知鎖南失加為指揮使罕  
東衛所鎮撫阿兒節為百戶 夜五鼓東方有星  
大如鷄彈色赤尾跡有光起自右旗東南行至游  
氣止

甲申

命都督僉事林宏守備莊浪莊浪衛指揮使魯鑑署  
都指揮僉事守備紅城子 陞河南彰德府知府



王銳為陝西布政司右叅政大理寺右評事郭信  
為四川按察司僉事復除山東按察司副使劉安  
於陝西按察司浙江布政司右叅議周賢於四川  
布政司按賢俱以丁憂服闋也 寧化王府鎮國  
將軍美坊奏臣生母安氏病故乞以臣今歲祿米  
折色五百石改給本色以充殯葬之費  
上曰山西稅糧供給邊儲數多其以三百石給之  
夜二鼓東方有星大如鷄彈色赤尾跡有光起自  
右攝提東行至天市西垣內  
乙酉

給昌化王子鎮國將軍成銳歲祿一千石米鈔中  
半兼支

丙戌

增給雲丘王美塌歲祿三百石通前共一千三百  
石俱米鈔中半兼支從其請也 給萬全等處官

軍馬一千一百三十二疋 哈密忠順王弟孛羅  
革得被虜漢人男婦五十二人遣使送之來歸

丁亥

增給晉庶人美圪等衣資每歲絹十疋布一十疋  
從其請也 放府軍前衛幼軍老疾者八百七十



二人寧家 禮部奏弋陽王奠鑑言缺少使女宜  
照例聽於本處軍民情愿之家自備財禮選買十  
人從之

大明英宗睿皇帝實錄

大明英宗睿皇帝實錄

天順二年三月戊子朔給宜川王公銳食鹽益陽  
王豪機菜戶安寧王成鐸煤戶俱從其請也 給  
錦衣衛及永寧等衛官軍馬四百匹 巡按浙江  
監察御史伍驥奏僉事和維擅執赦前罪人枷號  
宜治其罪從之

己丑

賜新昌王女南康縣主儀賓沈懋雲都縣主儀賓鍾  
毓誥命冠服鞍馬等物 尚寶司少卿袁忠徹卒  
忠徹浙江鄞縣人太常少卿廷玉之子廷玉善相



人忠徹得其傳累侍廷玉謁見  
太宗於潛邸永樂初授鴻臚寺序班歷中書舍人尚  
寶司丞進陞尚寶司少卿相人多奇中先後金幣  
之賜甚多為人外剛而內險陂

太宗常詢群臣狀貌與有隙者因言其短用是人多  
畏憚之夜昏刻東方有星大如盞色赤有光起  
自郎位東北行至梗河星尾跡炸散一小星隨之  
庚寅日將晡有流星大如杯色青白有光起自天  
中墜於正東游氣

壬辰

給遼東府輔國將軍豪整歲祿八百石奉國中尉  
豪埽豪埽歲祿各二百石俱米鈔中半兼支歸化  
鄉君并儀賓武縉安東鄉君并儀賓魏玉玉陽鄉  
君并儀賓周遠歲祿各二百石本色米二百五十  
石折鈔五十石 戶部奏在京文武官吏每歲上  
半年俸鈔每石給該一十五貫今年該給之數官  
庫收貯數少支給不敷宜加舊例每銀一兩折鈔  
七百貫關給從之

甲午

陞翰林院典籍馮瑤為錦衣衛副千戶瑤先以納



米冠帶入翰林院書辦後以迎駕功陞典籍至是其叔父奉御讓又為援例乞恩故有是

命掌欽天監事禮部右侍郎湯序奏二事一兩京天文生陽陰人及官生戶下子弟能讀儒書習三場文字者遠離鄉土不能回還宜令就兩京報名科舉有中式者依資格出身其天文生陰陽生仍於本監錄用戶下子弟果有能習天文曆數者聽從本監奏保錄用一自親王以下及文武大臣之家例當有司營塋者往往夫婦異塋各造墳塋享堂不惟勞民傷財抑且有乖禮度今後宜令夫婦

同墳塋享堂庶便于民且合乎禮事下禮部議但從之

吏部奏巡撫廣東等處左都御史等官馬昂等考察南雄等府知府等官林茂等十六員俱老疾致仕永安等縣縣丞等官趙昂等四員俱罷輟貪婪當為民從之

乙未

給宜川莊靖王守墳人二戶從其子宜川王公銳奏請也

丙申



勅五軍等營右都督陶瑾都督僉事戚斌署都督  
僉事顏通提督官軍收放馬匹

戊戌

四川鹽井衛指揮等官董輔等貴州宣慰司土官  
宣慰使宋昂等各遣人貢馬

賜鈔幣如例 午刻日生暈赤色黃夜月亦生暈蒼  
白色俱圓圓良久乃散

己亥

命故四川朵甘思宣慰使綽思吉剌思巴從子銀敷  
剌以襲職 鎮守山西署都督僉事都指揮同知

王良子璠襲為宣府前衛指揮同知羽林前衛都  
指揮同知徐脫羅罕子成襲為指揮使密雲中衛  
指揮使王崇子璽襲陞都指揮同知金吾左衛指  
揮同知王山第玘襲陞都指揮僉事以崇山陣亡  
功也 復設河間長蘆鹽運司滄州分司鑄給印  
信從運使李銘奏請也 直隸寧國府奏本府宛  
陵驛前後臨大河水溢輒為害附郭有接官亭去  
驛不遠且地土高爽可改為驛從之

辛丑

廣西守備潯州右叅政都督僉事劉玉奏柳慶象



武西峒等山寨蠻賊聚衆七千餘徒過江南攻劫博白縣及廣東之寧川臣同左叅將范信領兵于石門山口及天井嶺雞公嶺設伏截捕斬首三百一級復所掠男婦六百四十七人

壬寅

禮部請

皇太子出閣讀書

上命吏部禮部會翰林院定擬講讀等官及講讀儀

注擬以間

命故西寧侯宋誠弟讓襲封西寧侯以誠無子也

癸卯

命廣東左布政使陳文為詹事府詹事仍支從二品俸先是文丁繼母憂及是召至故有是命

賜惠安伯張琮順天府武清縣空地五十餘頃從其請也 廣東副總兵都督同知翁信奏海賊四百餘徒犯香山千戶所燒燬備邊大舡其都指揮張通摠督不嚴是致失機乞正其罪章下都察院請建問如律別委武臣代之

上曰通罪本難容但今用人之際姑宥之仍令殺賊以贖前罪 甘肅摠兵官宣城伯衛穎奏三事一



莊浪衛帶管土達軍餘近被達賊搶掠以致艱窘  
乞以官庫布匹每戶量給五匹濟之一莊浪鎮番  
涼州等處官軍馬少不能禦敵乞於苑馬等寺查  
給一甘涼等州土鹼草希採用艱難乞令陝西問  
刑衙門准令囚犯附近本處者納草贖罪犯死罪  
四百五十束三流并徒三年三百七十五束徒二  
年半三百三十束徒二年三百束徒一年半二百  
五十五束徒一年二百二十五束杖罪每一等一  
十五束笞罪每一等七束從之 巡撫南直隸右  
僉都御史李秉奏近據直隸常州府宜興等縣納

戶告稱淮安常盈倉監收內官金保等縱容豪猾  
之徒大肆科歛每糧上倉經由二十餘處使錢纔  
得收納每百石花費銀至五六兩之上小民被害  
無所控訴乞別選廉能官員將金保等暫且替回  
以慰人心

上曰秉所言甚當金保且不必替回此等情弊即令  
革禁若仍前故縱罪之不宥 太平侯張軌奏臣  
荷

皇上厚恩未能圖報今不幸遘疾度不能起伏乞  
皇上重念



宗社生民選賢任能以隆致治則臣死瞑目矣  
上曰卿是國之勳戚方隆倚毗而乃遽疾如此覽卿  
所奏足見忠誠尚當勉進藥餌以付朕眷念之意  
命下而軌率軌故追封河間王王之子英國公輔之  
弟永樂中授錦衣衛指揮僉事尋陞指揮同知正  
統中征虜有功陞指揮使未幾薦陞都指揮僉事  
進署前軍都督僉事進已而實授命充副總兵往  
征麓川班師至湖廣命復征貴州苗賊景泰元年  
召回陞授特進光祿大夫前軍右都督  
上復位以迎

駕功封太平侯

賜諸券子孫世襲食祿二千石至是卒追封裕國公  
謚勇襄軌素侈靡侍妾數十人各習音樂客至番  
飲必命妾行酒性尤荒暴于謙王文范廣之戮軌  
實有力既得志益驕橫納賄賂責功奔競者趨其  
門如市又求中官王振之宅新而居之一日朝退  
途中拱揖左右問故曰范廣過也遂得疾不能睡  
痛苦月餘而沒其臨沒之言蓋假手於人也  
夜一鼓北方有星大如盞色青白尾跡有光起自  
紫微西藩西北行至近濁二小星隨之 曉刻月



犯氏宿東北星

甲辰

上召內閣臣李賢謂曰外戚孫氏一門長封侯爵次皆高官子孫二十餘人皆官之亦足矣左右又有為侯弟求陞者以為慰

太后之心不知

太后正不以此為慰初授其子弟以官請於太后數次方允且不樂者累日曰有何功於國家濫受爵祿如此且物盛必有衰一旦有干國憲吾不能救矣若又聞此必怒此足以見

太后盛德因請於

上曰

祖宗以來外戚不與軍政今與軍政或者

太后意乎

上曰

太后正不樂此初為內侍惑以閹防之說至今猶悔賢曰此尤足以見

太后識高但侯為人淳謹無害後不可為例

上曰然

乙巳



禮部進

皇太子出閣講學儀注一欽天監選擇四月初八日  
乙丑巳時吉一是日早禮部鴻臚寺執事官於文  
華後殿行四拜禮畢鴻臚寺官請東宮陞文華殿  
執事官導引至殿陞座三師三少并宮僚以次序  
於丹陛上行四拜禮畢各官以次退出內侍官導  
東宮至後殿陞座以書案進每日侍班侍讀講官  
入分班東西立內侍展書侍讀講官以次進讀叩  
頭而退每日讀講常儀一每日早朝退後  
東宮出閣陞座內侍以書案進不用侍衛侍儀執

事等官惟侍班侍讀講官入行即頭禮畢分班東  
西向立侍展書先讀四書則東班侍讀官向前伴  
讀數十遍退復原班次讀經書或讀史書則西班  
侍讀官向前伴讀亦然務要字音正當句讀分明  
讀畢叩頭而退一每日巳時侍班侍讀講及侍書  
官俟

東宮陞座畢入照東西向立侍班內侍展書先講  
早所讀四書則東班侍講官向前進講一遍退復  
原班次講早所讀經史書則西班侍講官向前進  
講亦然務要直言解說明白易曉講畢內侍收書



訖侍書官向前侍習寫字務要開說筆法點畫端楷寫畢各官叩頭而退一午膳後從容游息或習騎射一每日晚讀本日所授書各十數遍至熟而止一凡讀書三日後一溫須背誦成熟遇溫書之日免授新書講官通講須曉大義一凡寫字春夏秋月每日寫一百字冬月每日寫五十字一凡遇朔望及大風雨雪隆冬盛暑暫停講讀寫字一每日合用侍班官二員侍讀講官四員侍書官一員改給西河王鍾錄歲祿本色米一百石從其請也山東東昌府聊城縣民李煥奏竊觀四夷來

朝多是貪圖朝廷之賞賜窺覘中國之虛實未必皆誠心慕義也若海外諸夷其來有限固不甚為民害惟有各處刺麻者僧貪婪無厭逐年進貢去而復來經過驛傳百不需索稍不滿其所欲輒持刀棍殺人甚至乘山東饑荒之際盜買流民子女滿載而去害民虧國良可痛恨乞勅有司今後夷人入貢有騷擾驛傳盜買子女者悉治以法庶夷虜攝服中國電安事下禮部議從之

丙午

南京守備太監周禮奏二月九日暴風拔



孝陵松樹及

懿文陵靈殿等處獸脊梁柱多脫落損壞

上命駙馬都尉焦敬往祭告修理 廣西蠻賊流劫

廣東永安千戶所叅將都督僉事歐信率兵擊敗

之斬首一百四十八級復所掠男女一百二十四

人

戊申

詹事府詹事陳文奏乞終繼母喪

上不允

己酉

賜周王庶長子名曰同鏗永寧王庶第五子曰子埶

汝陽王嫡長子曰同銜原武王庶長子曰同鐵鄂

陵王庶第二子曰同鏗第三子曰同鈕永寧王長

子子場之子曰同鈿 陞廣東肇慶衛指揮使田

積為署都指揮僉事分督屯田從副總兵都督翁

信奏也 復除監察御史鄧秀於南京浙江道郭

本於南京貴州道俱以丁憂<sup>服</sup>闋也 吏部禮部

會翰林院選擬

皇太子出閣侍班講讀<sup>官</sup>以聞侍班官則吏部尚書

兼學士李賢日侍不更太常寺少卿兼學士彭時



翰林院學士呂原每人更侍一日詹事陳文少詹  
事劉玄日侍不更翰林院學士林文李紹劉定之  
侍講學士錢溥每人更侍一人講讀官翰林院學  
士倪謙尚寶司卿兼侍講黃諫尚寶司司丞兼編  
修萬安尚寶司司丞兼編修李泰左春坊左中允  
孫賢右春坊右中允劉珣左春坊左贊善牛綸右  
春坊右贊善司馬恂人人更番四人一日侍書官  
太常寺少卿黃采中書舍人兼正字吳謙二人更  
侍一日  
上悉從之

庚戌

鍾鼓司太監虎兒奏大善殿

奉先殿供用殿樂器缺少南京工部見有補造樂器  
四百餘事及南京鍾鼓司收貯新樂器二百餘事  
乞令取用從之 錦衣衛百戶林茂言正統十四  
年

聖駕未回之時臣日夜叩禮梓潼神願

皇上早復天位今果然乞立祠以酬神惠

上命茂擇舊祠狹隘者自拓而建之

辛亥



命廣西右叅將都督僉事劉玉分守貴州邊境仍充  
叅將時參將張任卒故有是命 禮部奏自去冬  
至今春雨雪不降有妨農種宜令文武百官齋戒  
三日分命堂上官禱于在京諸寺觀廟宇從之  
設河南息縣楊莊店巡檢司置巡檢一員

壬子

增唐王瓊燠歲祿折色一千石從其請也

罕東衛都指揮阿黑巴等烏思藏刺麻三祿等來  
朝貢馬及方物

賜宴并鈔幣等物

陞萬全宣府前衛指揮同知李

石為都指揮僉事石先以搃旗累功陞指揮同知  
至是石奏計功用誤減一級援例乞改正增一級  
兵部覆奏石所言得實故有是命 巡按廣西監  
察御史王常因土官岑瑛擒賊有功與搃兵官朱  
瑛連名上章薦陞都司軍職法司以常違制坐贖  
杖還職法司以聞

上命吏部改為知縣

癸丑

命故帶常係金吾右衛都指揮使閔成子忠濟陽衛都  
指揮同知韓道僧子璽俱襲為指揮使金吾左衛



指揮使韓王子剛指揮同知朱真弟能指揮僉事  
張謙子琛府軍左衛指揮同知王瑄子勇指揮僉  
事吳聰從孫景隆羽林前衛指揮僉事撒兒挑子  
福玉燕山右衛指揮僉事阮璽從子隆生府軍衛  
指揮僉事吳信子瑄府軍前衛指揮僉事黃剛子  
壽俱罷職 徙河南原武衛安城馬驛子榮澤縣  
廣武驛舊基仍名廣武驛安城馬驛久為河水滄  
沒驛途不便故改置云

命浙江慶州府建故開國翊運守正文臣資善大夫  
護軍誠意伯劉基祠堂從基孫翰林院博士祿奏

請也 管河主事陳湊奏濟寧州濟安閘水勢陡  
峻損壞舡隻可移入二十餘步其舊閘岸改月樣  
以順水性全不得衝激

上命所司勘實移之

隆平侯張福卒

上輟視朝一日遣官

賜祭有司治塋

乙卯

朝鮮國王李瑅遣使來貢賀

皇太后受尊號貢方物



賜宴并鈔幣等物。麗隆慶州城。

省都指揮孫顯宗罪錦衣衛奏顯宗家奴十餘人在張家灣強占庄田私起店房邀截商貨逼勒取

利

詔擒鞠之獄具命省顯宗罪庄田還原主店房悉令拆毀家奴送法司論如律仍通行禁約。辰時日主暈上生背氣一道隨生左右珥各鮮明暈背氣良久先微珥至酉時雲遮

丙辰

賜石城王五子名曰親鐫親鑑親劄親錘親銘

賜宜春王磐姚火者二人從所請也。陞太常寺少

卿李希安為本寺卿寺丞王守玄為少卿贊禮郎張明善孫廣安俱為寺丞

勅鎮守臨清平江伯陳璘朕念山東連歲荒歉人民流離困敝已極誠為可慮其東昌青萊等府又多安插夷人第恐因而相聚為非未然之患不可不防勅至爾宜不妨鎮守往來巡歷整飭兵備振揚威武潛消意外之患如遇盜賊生發即為捕滅毋令滋擾

石城王真堵奏臣受封之時蒙賜袍服厚無紗羅



正有紵絲今亦故壞乞賜紵絲紗羅袍料各一疋  
從之

丁巳

命湖廣雲南貴州四川布政司諭其軍民人等有能  
輸米于貴州缺糧倉者一百石者給與冠帶仍賜  
勅旌異三十石者立石題名從巡按御史劉敬奏  
請也

除豁陝西咸寧縣興平王妃曹氏墳地秋糧二石  
七年有奇

大明英宗睿皇帝實錄



51  
1200

